



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnium Generalium Et Provincialium Collectio Regia

Ab anno MCLXXXI. ad annum MCCCXIV.

Parisiis, 1644

Praefatio.

urn:nbn:de:hbz:466:1-15974

ANNO
CHRISTI
814.

- nasteria monialium, & quod moniales non exeant claustrum.* XVI. *De obseruantia ieiuniorum facienda tempore conuocandorum Conciliorum.*
- XII. *De beneficiis ordines sacros requirentibus, & de pena eorum qui negligunt ad ipsos ordines promoueri: & de prabendis in ecclesiis cathedralibus absque ordinibus sacris non retinendis.* XVII. *De raptoribus & inuasoribus honorum ecclesiasticorum mobilitium.*
- XIII. *De celebratione Missarum, & pena non celebrantium.* XVIII. *De obtinentibus ecclesiastica beneficia spectantia ad mensam pralatorum.*
- XIV. *De baptismo, & eius forma.* XIX. *De sententiis interdicti pro pecuniariis causis minime proferendis.*
- XV. *De veneratione sanctorum in confessione habenda.* XX. *De indulgentiis reuocatis.*

PRÆFATIO.

Constitutiones domini Rainaldi editæ in Concilio celebrato Argentæ.

IN CHRISTI NOMINE. AMEN.

QVIA inundatio & abundantia peccatorum facit homines in tenebris ambulare, & permanere, ita quod superioribus debita non exhibetur reuerentia, nec inferioribus sollicita & caritatiua impenditur cura, ex quibus inordinationes & confusiones, nedum in clero, imo & in populo innumeræ pullularunt, ob quæ apparent, ex occulto Dei iudicio, naufragia & tempestates; idcirco nos Rainaldus permissione diuina, & apostolicæ sedis gratia, sanctæ Rauennatis ecclesiæ archiepiscopus, ad honorem omnipotentis Dei, beatorum Petri & Pauli apostolorum eius, beati Apollinaris patroni, sanctorum martyrum Vitalis & Vrsicini, ac aliorum martyrum & confessorum, quorum meritis & precibus, nedum ipsa ecclesia Rauennas, imo omnes cathedrales ecclesiæ, ac aliæ venerabiles de prouincia sunt fundatæ & dotata, ad reformationem deuotionum, honestorum morum, personarum ecclesiasticarum, religiosorum, sæcularium & laicorum, & salutem omnium animarum, defensionem & recuperationem rerum ecclesiasticarum, hoc sacro Concilio, in ecclesia beati Nicolai, castri Argentæ, ecclesiæ & diocesis Rauennatis conuocato & congregato, sub anno Domini millesimo trecentesimo decimoquarto, indictione XII. decimo die mensis Octobris, presentibus venerabi-

Iiiii iij

libus fratribus dominis Dei gratia fratre M. Imolenſi, fratre P. Comaclenſi, P. Foropompilienſi, fratre V. Fauentino I. que Cæſenatenſi episcopis: & procuratoribus venerabilium patrum Bononiensis, Adriensis & Reginensis episcoporum, ac capituli Mutinensis, cum ecclesia ipsa vacet ad præſens, Christi nomine inuocato, de approbatione ipsius Concilii, cui, Deo permittente, præſidemus, infrascriptas constitutiones duximus edendas, promulgandas, ac publicandas. Et ne contra eas aliquid possit fieri, vel ignorantia aliqua prætendi, eas post tres menses proxime subsequentes, mandamus, & statuimus ab omnibus subditis prouinciæ Rauennatis inuiolabiliter obseruari.

ANNO
CHRISTI
1314.

CAPITVLA.

RUBRICA I.

Cum ordines sacri, sancto afflante Spiritu, sint ad augmentum gratiæ suscipientium illos maxime constituti, & ob hoc conferendi sint præcipue viris scientia & vitæ sanctitate præditis, a criminibus & infamia alienis, quia apostolis & discipulis suis, quorum vicem hi tenent, Dominus secretiora reuelauit clarius, statuimus quod solummodo constituti in sacris ordinibus, & non alii, ad capitula vocentur, & vocem habeant in capitulo. Et hæc intelligimus de sæcularium clericorum capitulis, non de conuentibus religiosorum.

RUBRICA II.

Quoniam Dominus ordinem Leuitarum, quorum locum obtinent clerici, voluit & mandauit esse discretum a populo, vt coram eo starent semper, & audirent sapientiam eius; & species cæli est gloria stellarum, & in antiquis est prudentia, cum nemo eligat tirones, quos non constat esse pru-